



COMUNE DE MONTELEONE

Provìntzia de Tàtari

Deliberatzione de sa Giunta Comunale

N° 3 de su 13.01.2021

OGETU: Pianu triennale de sas azione positivas triènniu 2021-2023

S'annu duamìgia bintiunu, sa die tràighi de su mese de Ghennàrgiu, in Monteleone, in sa sala de sas Adunàntzias, a sas **16:45**, s'est reunida sa Giunta Comunale.

Fatu s'apellu resurtant:

MASALA ANTONELLO	SÌNDIGU	P
SOTGIA DANIELA	ASSESSORA	A
GONNELLA SILVIA	ASSESSORA	P
MANAI GIOVANNI BATTISTA	ASSESSORE	P

Presentes n. 3 totale ausentes n. 1

Partètzpat a sa setziada su SEGRETÀRIU COMUNALE Silvia Sonnu, cun funtziones consultivas, referentes, de assistèntzia e verbalizatzione.

SU SÌNDIGU ANTONELLO MASALA, in sa calidade sua de presidente, averiguadu su nùmeru legale de sos interbènnidos, de crarat aberta sa setziada e invitat sos cumbènnidos a deliberare subra de s'ogetu subra indicadu.

SA GIUNTA COMUNALE

IN ABERTURA de setziada si dat atu chi sa matessi benit acumprida a manera partziale in vèdeucunferèntzia, cun sa presèntzia in sede de su segretàriu comunale, Dot.ra Silvia Sonnu, e de su Sìndigu, e cullegados in modalidade vèdeucunferèntzia in cantu no ant sa possibilidade de interbènnere, sos segnores Gonnella Silvia e Manai Giovanni Battista (Assessores), comente istabilidu in cunforma a su decretu de su Sìndigu n. 4 de su 05.11.2020.

PREMÌTIDU CHI:

- sas oportunitades parìviles sunt printzìpiu fundamentale e netzessàriu in sa gestione de sas resursas umanas in sas amministratziones pùblicas. Tale printzìpiu est a manera espressa enunziadu in s'art. 7, comma 1, de su D.Lgs. n. 165/2001 in ue si previdit chi "sas amministratziones garantint paridade e oportunitades parìviles tra òmines e fèminas pro s'atzessu a su traballu e su tratamentu in su traballu", su D.Lgs 11 de abriale de su 2006 n. 198 "Còdighe de sas oportunitades parìviles tra òmine e fèmina, in cunforma a s'art. 6 de sa L. 28 de santandria de su 2005, n. 246" torrat a leare e coordinat in unu testu ùnicu sas dispositziones e sos printzìpios segundu su D.Lgs 23 de maju de su 2000 n. 196 "Disciplina de s'atividade de sas consigeras e de sos consigeris de paridade e dispositziones in matèria de atziones positivas", e de sa lege 10 de abriale de su 1991 n. 125 "Atziones positivas pro sa realizatzione de sa paridade òmine fèmina in su traballu";

DADU ATU chi in osservàntzia de sa normativa subra narada segundu su D.Lgs n. 198/2006, e in particulare de s'art. 48, sas amministratziones de s'Istadu, puru a ordinamentu autònomu, sas Provìntzias, sos Comunes e sos àteros entes pùblicos no econòmicos divent progetare e atuare sos Pianos de Atziones Positivas de durada triennale pro promòvere s'inserta de sas fèminas in s'àmbitu de su traballu a ogni livellu, e in ogni settore eliminende sos inpèigos chi de fatu impedint sa realizatzione de oportunitade parìviles;

BIDOS:

- s'art. 1, comma 1, lit. c) de su D.Lgs 30 de martzu de su 2001, segundu su cale: «Sas dispositziones de su decretu presente disciplinant s'organizatzione de sos ufitzios e sos raportos de traballu e de impiegu a sas dependèntzias de sas amministratziones pùblicas, (omissis) in su respetu de s'artìculu 97, comma primu, de sa Costitutzione, (omissis) garantende oportunitades parìviles a sas traballadoras e a sos traballadores e puru s'ausèntzia de cale si siat forma de distintzione e de violèntzia morale o psìchica »;
- s'art. 7, comma 1 de su D.Lgs n. 165/2001, segundu su cale: « Sas amministratziones pùblicas garantint paridade e oportunitades parìviles tra òmines e fèminas e s'ausèntzia de ogni forma de distintzione, dereta o indereta, relativa a su gènere, (omissis) in su tratamentu e in sas cunditzones de traballu, in sa formatzione professionale, in sas promotziones e in sa siguresa in su traballu;

- s'art. 57 de su D.Lgs n. 165/2001 e m.i.i. in ue sunt indicadas mesuras chi sas amministrazziones pùblicas devent adotare, pro garantire oportunitades parìviles tra òmines e fèminas pro s'atzessu a su traballu e su tratamentu in su traballu, in particolare:
 1. pro mèdiu de adozione de regulamentos pro assicurare oportunitades parìviles tra òmines e fèminas in su traballu, in cunformidade a sas diretivas dadas dae sa Presidèntzia de su Consìgiu de sos ministros – Dipartimentu de sa funtzione pùblica;
 2. pro mèdiu de sa garantzia de partetzipatzione de sas dipendenti a sos cursos de formatzione e de aggiornamentu professionale in raportu proportzionale a sa presèntzia issoro in sas amministrazziones interessadas a sos cursos matessis e s'adozione de modalidades organizativas indirizadas a nde favorèssere sa partetzipatzione, cunsentende sa contziliatzione tra vida professionale e vida familiare;
 3. pro mèdiu de sa possibilitade de finantziare programmas de atziones positivas e s'atividade de sos comitados ùnicos de garantzia pro sas oportunitades parìviles, pro sa valorizatzione de su benèssere de chie traballat e contra a sas distintziones, in s'àmbitu de sas disponibilidades de bilàntziu;

BIDA sa Lege 23 de santandria de su 2012, n. 215 “Dispositziones pro promòvere su riechilìbriu de sas rapresentàntzias de gènere in sos consìgios e in sas giuntas de sos entes locales e in sos consìgios regionales. Dispositziones in matèria de oportunitades parìviles in sa cumpositzione de sas commissiones de cuncursu in sas amministrazziones pùblicas”, chi pro garantire oportunitades parìviles, previdit:

- sa modifica de s'art. 6 comma 3 de su D.Lgs 267/2000, disponende chi s'Istatutu Comunale istabilet normas pro assicurare cunditziones de oportunitades parìviles tra òmine e fèmina in cunforma a sa lege 10 de abriale de su 1991, n. 125, e pro garantire sa presèntzia de ambos sos sessos in sas giuntas e in sos òrganos collegiales no eletivos de su comune, e puru de sos entes, aziendas e istitutziones dae issos dipendenti;
- s'adeguamentu, intro de ses meses dae sa data de intrada in vigore de sa L. 215/2012, de s'istatutu e regulamentos a sas dispositziones de sas cales subra;
- sa modifica de s'art. 46 comma 2 de su D.Lgs 267/2000, disponendo chi su sindigu numenat sos componentes de sa Giunta comunale, in su respetu de su printzìpiu de oportunitades parìviles tra fèminas e òmines, garantende sa presèntzia de ambos sos sessos”;
- sa previsione in s'art. 71, comma 3-bis de su D.Lgs. 267/2000 de sa rapresentàntzia de ambos sos sessos in sas listas de sos candidatos pro s'eletzione de su sindigu e de su consìgiu comunale in sos comunes finas a 15.000 abitanetes;

- sa modifica de s'art. 57 de su D.lgs. 165/2001 cun sa previsione de sa riserva a sas fèminas, francu impossibilidade motivada, de a su nessi unu tertzu de sos postos de componente de sas commissiones de cuncursu, e s'imbiu de s'atu de nòmina de sa commissione de cuncursu intro de tres dies, a sa consigera o a su consigeri de paridade natzionale ossiat regionale, in base a s'àmbitu territoriale de s'amministratzione chi at bandizadu su cuncursu, chi si in casu mai si reconnoscat sa violatzione de sas dispositziones cuntènnidas in su comma 1, lìtera a), difidat s'amministratzione a nde la remòvere intro de su tèrmine màssimu de trinta dies (omissis);
- TORRADA A CRAMARE sa Diretiva 23 de maju de su 2007 "Mesuras pro atuare paridade e oportunitades parìviles tra òmines e fèminas in sas amministratziones pùblicas", emìtida dae su Ministru de sas reformas e sas innovatziones in s'amministratzione pùblica paris cun su Ministru pro sos diritos e sas oportunitades parìviles, chi torrat a cramare sas amministratziones a dare atuatzione a custa previsione normativa e presciet s'adotzione de una sèrie de provvedimenti e atziones ispetificas;

BIDU su Pianu triennale de sas Atziones Positivas 2020/2022;

ACHISIDU su parre favorèvole esprimidu dae su Responsàbile de s'Area Servìtzios generales, in cunforma a s'art. 49 de su D.lgs. 267/2000 ;

BIDOS:

su D.lgs. 18.08.2000 n. 267;

su D.lgs 30 de martzu de su 2001, n. 165;

su D.lgs 11 de abriale de su 2006, n. 198;

Cun votatzione de acordu favorèvole esprimida in sas formas de lege,

DELÌBERAT

Sas premissas costituint parte integrante e sustanziale de s'atu presente.

DE APROVARE su Pianu Triennale de sas Atziones Positivas 2021/2023, redatzionadu in cunforma a s'art. 48 de su D.lgs 198/2006, in su testu allegadu a sa presente cale parte integrante e sustanziale.

DE COMUNICARE s'aprovatzione de su Pianu presente a totu sos dipendentes.

DE ISTABILIRE chi su pianu presente at a èssere publicadu in s'Albu Pretòriu on line in su situ istituzionale.

DE IMBIARE còpia de s'atu presente a sa Consigera de Paridade de sa Provìntzia de Tàtari pro s'aggiornamentu de sa documentatzione de cumpetèntzia pròpia.

DE ISTABILIRE chi at a pòdere èssere fissadu cun provedimentu imbeniente unu pianu de verìfica e monitoràgiu de su Pianu puru a iscumprou de indicos chi ant a pòdere èssere frunidos dae sa Consigera de Paridade.

Cun votatzione separada e de acordu

Deliberat in prus

De declarare su provedimentu presente esecutàbile a manera immediata in cunforma e pro sos efetos de s'art. 134, co. 4, de su D.lgs n. 267/2000.

IN ÒRDINE A SA REGULARIDADE TÈCNICA si esprimìt parre Favorèvole

Su Responsàbile

F.du Antonello Masala

SU PRESIDENTE

F.du Antonello Masala

SU SEGRETÀRIU COMUNALE

F.du Silvia Sonnu

Tzertifico chi còpia cunforme de su verbale presente benit publicada dae su _____ pro 15 dies a fila in su situ istituzionale de custu Comune cun progressivu de publicatzione n. , atzessibile a su pùblicu (Art. 124 de su T.U.E.EL. e art. 32, comma 1, de sa lege 18 de làmpadas de su 2009, n. 69).

SU

F.du

Sa deliberatzione presente est divènnida esecutiva:

Pro declaratzione de esecutabilidade immediata (Art. 134, comma 4, de su T.U.E.L.).

Pro decursu de sas deghe dies dae sa publicatzione (Art. 134, comma 3, de su T.U.E.L.).

Monteleone,

Su Responsàbile de sa Publicatzione

F.du

Traduzione de s'operadora de s'isportellu linguìsticu de Monteleone

Maria Leonarda Correddu